

Oqaluuserisassanut nassuiaat.

(Inatsisartut Siulittaasoqarfiat)

Nunanut Allanut Sillimaniarnermullu Ataatsimiititaliaq kissaateqarpoq oqaluuserisassani immikkoortup 117-p, Inatsisartut aalajangiiffigisassaattut siunnersuut Naalakkersuisut pisussaat-inneqassasut qallunaat naalakkersuisui atassuteqarfigissagaat, anguniarlugu USA-mi, Tysklandimi Ruslandimilu qallunaat allartitaqarfiinut atasunik Naalakkersuisut siniisussaannik atorfinitsitsisoqassasoq kalaallit soqutigsaannik ingerlatsisussanik, Namminersorluni Oqartussaanermut inatsimmi § 15 tunngavigalugu, UPA 2012-mut kinguartinneqarnissaanik. Immikkoortoq pineqartoq ulloq 14. november aappassaaneerneqartussaagaluarpoq.

Kattusseqatigiit Partiiat kissaateqarpoq oqaluuserisassani immikkoortup 27-p, Inuiaqatigiinni ataqatigiinnerup pilersinneqaqqinnissaa qanoq ililluni qulakkeerneqarsinnaanera pillugu oqallinnissannik siunnersuutip, UPA 2012-mut kinguartinneqarnissaanik. Immikkoortoq pineqartoq ulloq 11. november oqallisigineqartussaagaluarpoq.

Siunnersuuteqartoq Ruth Heilmann, Siumut kissaateqarpoq siunnersuutini oqaluuserisassani immikkoortoq 77, Nunatsinni Angajoqqaat Oqartussaaffiisa annertunerulernissaat ersarinnerulernissaallu anguniarlugu ”Angajoqqaat Peqatigiiffiannik” taaneqartumik Atuarfitsialammi inatsisip § 40-41-42-p Atuarfiup siulersuisuinut inatsimmut ilanngussinissaq pillugu apeqquteqaat aallaavigalugu oqallisigineqarnissaannik siunnersuut aamma immikkoortoq 122, Nuna tamakkerlugu utoqqaat illuisa nutaanngilisimaqisut ullutsinnut naleqqussarlugit aaqqissuunneqarnissaannik pilersaarusiornissaq pillugu apeqquteqaat aallaaviga-lugu oqallinnissamik siunnersuutip, UPA 2012-mut kinguartinneqarnissaanik. Immikkoortut pineqartut ulloq 14. november oqallisigineqartussaagaluarput.

Siumut kissaateqarpoq oqaluuserisassani immikkoortup 75-p, Sanaartornermi ilinniartoqartarnek pillugu Namminersorlutik Oqartussat nalunaarutaat nr. 10, 12. juli. 2010-meersup allanngortinneqarnissaa pillugu Naalakkersuisut peqqune-qarnissaannik Inatsisartut aalajangiiffissaattut siunnersuut, taamaalilluni Nalunaarummi pineqartumi neqerooruteqartitsisup neqerooruteqarnissamut najoqqutassani piumasaqaatigineqartut amerlillugit sanaartugassap minnerpaamik 12 mio. kr.-inik naleqarpat ilinniartut sisamat

atorfinitinneqassasut taamatutaaq sanaartugassaq minerpaamik 15 mio. kr.inik naleqartillugu ilinniartut tallimat atorfinitinneqassasut, UPA 2012-mut kinguartinneqarnissaanik. Immikkoortoq pineqartoq ulloq 14. november siullermeerneqartussaagaluarpoq.

Piffissami novembarip ulluisa qulinganiit ataatsimiinnerup naanissaanut Inatsisartunut ilaasortat Ruth Heilmann, Siumut aamma Jane Petersen, Inuit Ataqtigiit taasisarnerit pillugit isumaqatigiissuteqarput.